

Recueil des chartes de l'abbaye de Stavelot-Malmedy, 100

___ Abbate Johanne abbatiam sancti Maximini regente, quoniam hoc bonum (Coruuarommo) longe a loco aberat, bonum sibi visum est alias commutare, petiitque domnum Popponem tunc temporis monasteriorum Stabulaus et Malmundarii abbatem, ut hoc bonum ___ sibi acciperet et villam Astenebrunno ___ pro hoc bono traderet. ___ Igitur convenientibus ipsis in unum, simul etiam advocato ipsorum locorum comite Heinricho de bono sancti Maximini, Friderico fratre ejus de abbazia sancti Remagli, tradita est predicta Astenebrunno ab advocato Friderico, precepto domni imperatoris atque consensu abbatis Popponis, comiti Heinricho in servitium sancti Maximini ___; itemque traditum est comiti Friderico ab advocato Heinricho in servitium sancti Petri ad altare Malmundarii quicquid datum fuerat a supradicto imperatore sancto Maximino apud Coruuorommo ___ quod habebat Wendenges ___, et apud Riumago ___, quinque partes vinee supra Mosam, ___ familiam quoque ultra Mosam. Facta est itaque hec commutatio jussu predicti imperatoris et confirmata legali advocatorum banno et recta traditione, ___ regnante imperatore Cuonrado, ducatum Lothariensis regni duce Gozilone tenente, advocatis locorum predictis comitibus Heinricho sive Friderico, archiepiscopatum Trevirensem gubernante Poppone, Piligrino Coloniensem, Theodorico Metensem, Rainardo Leodicensem. Testes fuerunt : comes Gisilbertus de Salmo, Bouo de Lotauso, Stephanus de Malampreit, Hermannus de Gruosles, Gunzelinus, Arnulfus.